

Na osnovu člana 16. stav 4. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona, na 93. sjednici, održanoj 13.04.2017. godine, d o n o s i

ZAKLJUČAK

I.

Prihvata se mišljenje Ministarstva za prostorno uređenje, promet i komunikacije i zaštitu okoline, broj: 12-02-2798-1/17 od 04.04.2017. godine, Ministarstva unutrašnjih poslova, broj: 08-03-02-1-1942/17 od 11.04.2017. godine, Kantonalne uprave civilne zaštite, broj: 16-02-2798-2/17 od 30.03.2017. godine i Kantonalne uprave za inspekcijske poslove, broj: 18/01-1-02-2798-2/17 od 29.03.2017. godine, na Nacrt Zakona o prijevozu opasnih materija.

II.

Mišljenje Vlade Kantona je da će odredbe člana 5. i člana 49. Nacrta Zakona o prijevozu opasnih materija, dovesti do problema u praktičnoj primjeni, obzirom da u Federaciji BiH postoji samo jedan terminal koji ima pristup željezničkom saobraćaju, odnosno da postoji mnogo škola koje se nalaze na udaljenosti manjoj od 200 m u odnosu na regionalne i magistralne ceste.

III.

Zaključak sa mišljenjima iz tačke I. dostavljaju se Skupštini Zeničko-dobojskog kantona na dalje postupanje.

IV.

Zaključak stupa na snagu danom donošenja.

Broj: 02-_____/17.
Datum, 13.04.2017. godine
Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine,
1x Ministarstvo za prostorno uređenje,
promet i komunikacije i zaštitu okoline,
1x Ministarstvo unutrašnjih poslova,
1x Kantonalna uprave civilne zaštite,
1x Kantonalna uprave za inspekcijske poslove
1x a/a.



Broj: 12-02-2798-1/17
Zenica, 04.04.2017. godine

06.04.

ZENIČKO-DOBOJSKI KANTON
VLADA KANTONA
n/r sekretara

PREDMET: Mišljenje o Nacrtu (federalnog) Zakona o prijevozu opasnih materija, dostavlja se

Dana 13.03.2017. godine od strane Stručne službe Skupštine Zeničko-dobojskog kantona zaprimili smo dopis, broj: 01/02-02-2798-1/17 od 08.03.2017. godine, u kojem se od Ministarstva za prostorno uređenje, promet i komunikacije i zaštitu okoline Zeničko-dobojskog kantona traži mišljenje o Nacrtu (federalnog) Zakona o prijevozu opasnih materija.

S tim u vezi Ministarstvo za prostorno uređenje, promet i komunikacije i zaštitu okoline Zeničko-dobojskog kantona, nakon što je razmotrilo dostavljeni Nacrt (federalnog) Zakona o prijevozu opasnih materija, daje sljedeće mišljenje:

Ministarstvo za prostorno uređenje, promet i komunikacije i zaštitu okoline Zeničko-dobojskog kantona nema primjedbi iz svoje nadležnosti i smatra da je Nacrt (federalnog) Zakona o prijevozu opasnih materija dobra osnova za izradu Prijedloga zakona.

Na području Bosne i Hercegovine kao i na području Federacije BiH ova oblast do sada nije bila uređena državnim niti federalnim propisom. Republika Srpska za područje svog entiteta donijela je Zakon o prijevozu opasnih materija dok se na području Federacije BiH do danas primjenjuje preuzeti Zakon o prijevozu opasnih materija iz bivše SFRJ.

Imajući u vidu da donošenje ovog zakona proizilazi iz Sporazuma o stabilizaciji i pridruživanju između Evropske unije i Bosne i Hercegovine, prema kojem je Bosna i Hercegovina dužna omogućiti slobodno kretanje putnika i roba na nediskriminirajućoj osnovi, smatramo da bi Vlada Zeničko-dobojskog kantona trebala dati podršku donošenju navedenog zakona i o tome obavijestiti Skupštinu Zeničko-dobojskog kantona koja bi prilikom razmatranja Nacrta (federalnog) Zakona o prijevozu opasnih materija mogla utvrditi svoje mišljenje po istom i proslijediti ga Domu naroda Parlamenta Federacije BiH.

S poštovanjem!

Prilog:

- dopis, broj: 01/02-02-2798-1/17 od 08.03.2017. godine,
- e-mail od 08.03.2017. godine, Dom naroda PFBiH,
- zaključak, broj: 02-02-389/12 od 03.03.2017. godine,
- Nacrt (federalnog) Zakona o prijevozu opasnih materija.

Dostavljeno:

- 1 x naslovu,
- 1 x Premijer Zeničko-dobojskog kantona,
- 1 x a/a.





Broj: 08-03-02.1-1941/17

Dana: 11.04.2017. godine.

ZENIČKO-DOBOJSKI KANTON
VLADA KANTONA
ZENICA

STRUČNA SLUŽBA VLADE ZDK

PREDMET : Mišljenje o Nacrtu (federalnog) Zakona o prijevozu opasnih materija,
d a j e s e,-

1. Član 1. – iza teksta „ili u rukovanju opasnim materijama“, dodati „VEZANIM ZA PRIJEVOZ“ (pripremanje materije za prijevoz, utovar i istovar i usputne manipulacije),
2. Član 13. – Dodati stav (2) – „VRŠE INSPEKCIJSKI NADZOR, U SKLADU SA OVIM ZAKONOM“, i stav (3) – „UČESTVUJU U RADU KOMISIJE KOJA VRŠI ISPITIVANJE VOZAČA I DRUGIH LICA AKO JE TO ZAKONOM ILI DRUGIM AKTIMA ODREĐENO“,
3. Član 18. Stav (2) – iza teksta „lica koja učestvuju u rukovanju opasnim materijama“ dodati „VEZANIM ZA PREVOZ TIH OPASNIH MATERIJIA“,
4. Član 19. Stav (1) – iza teksta „koju imenuje federalni ministar“ dodati „FMUP“,
5. Član 86. Stav (1), tačka c) – Inspeksijski nadzor nad provođenjem ovog zakona i podzakonskih propisa donesenih na osnovu ovog zakona, za prijevoz opasnih materija klase: 2, 3, 4.1, 4.2, 4.3, 5.1, 8 i 9 iz člana 4. Ovog zakona vrše inspektori za zaštitu od požara iz kantonalnih ministarstava unutrašnjih poslova.
Da li inspektori zaštite od požara kantonalnog ministarstva unutrašnjih poslova će biti u obavezi stručnog osposobljavanja za sticanje posebnog znanja iz oblasti opasnih materija, u odnosu na pitanja u kojima vrše inspeksijski nadzor, kako bi mogli raditi navedene poslove ?
6. Član 91. Stav (1) – iza teksta koju čine stručnjaci iz federalnih dodati i „KANTONALNIH“ ministarstava.

S poštovanjem !

Dostavljeno :

1 x Naslovu

1 x Uprava policije

1 x Inspektorat

1 x a/a



Trg Bih br.1, Zenica, Tel. 032/444444

E-mail: mupzdk@mupzdk.gov.ba





ZENIČKO-DOBOJSKI KANTON

SKUPŠTINA
Stručna služba

²⁹
Zenica, 27.03.2017. godine

Vaš znak:

Naš znak: 18/01-1-02-2798-2/17

PREDMET: Mišljenje o Nacrtu Zakona o prijevozu opasnih materija, dostavlja se
Veza: Vaš broj: broj:01/02-02-2798-1/17 od 08.03.2017. godine

KANTONALNA UPRAVA ZA INSPEKCIJSKE POSLOVE			
Primljeno: 30.03.2017			
Org. jed.	Broj	Prilog	Vrijednost
01-	02-2798-	2	17

Aktom Skupštine Zeničko-dobojskog kantona, broj:01/02-02-2798-1/17 od 08.03.2017. godine zatraženo je da se u skladu sa Zaključkom Doma naroda Parlamenta Federacije BiH dostavi mišljenje na Nacrt (federalnog) Zakona o prijevozu opasnih materija.

Ova Uprava je razmatrala tekst nacrtu navedenog Zakona te daje mišljenje:

Kantonalna uprava za inspekcijske poslove po predloženom Nacrtu Zakona o prijevozu opasnih materija nema inspekcijski nadzor kao vrstu upravnog nadzora, nad provođenjem predloženog Zakona, te samim tim nema konkretnih primjedbi i sugestija na tekst Nacrta Zakona o prijevozu opasnih materija.

S poštovanjem!

Dostavljeno:
2 naslovu,
1 x a/a

DIREKTOR
Mirsada Stanić, dipl. ecc.



Broj: 16-02-2798-2/17
Zenica, 30.03.2017.godine

SKUPŠTINA ZENIČKO-DOBOJSKOG KANTONA			
Primljeno:	31. 03. 2017		
Org. jed.	Broj	Prilog	Vrijednost
01-	02-2798-	4/	17

STRUČNA SLUŽBA SKUPŠTINE

Premet: Mišljenje vezano za Nacrt (federalnog) Zakona o prijevozu opasnih materija, dostavlja.-

Poštovani,

Vašim aktom broj: 01/02-02-2798-1/17 od 08.03.2017.godine, tražili ste mišljenje Kantonalne uprave civilne zaštite za predmetni Nacrt (federalnog) Zakona o prijevozu opasnih materija, koje i dostavljam.

Naime, nakon detaljnog pregleda i uvida u predmetni Nacrt (federalnog) Zakona o prijevozu opasnih materija došli smo do zaključka da su Federalnoj i Kantonalnim upravama i općinskim Službama civilne zaštite date određene odgovornosti, poslovi i zadatci, koji trenutno prevazilaze mogućnosti snaga Civilne zaštite, a posebno u članu 12. stavovi 1., 2. i 3., gdje se traži od ovih organa da vrše prevashodno:

Član 12.

„(1) Federalna uprava civilne zaštite učestvuje u svim aktivnostima na pronalaženju i prikupljanju opasnih materija i njihovoj zaštiti kada dođe do gubitka ili nestanka opasne materije ili kada u toku prijevoza dođe do gubitka ili nestanka opasne materije ili kada u toku prijevoza dođe do ispadanja ili prosipanja opasne materije s ciljem da se te materije pronađu, prikupe i smjeste na određena sigurna mjesta i provodi sve aktivnosti i mjere na sprečavanju štetnih posljedice po ljude, okoliš i materijalna dobra, što se vrši u skladu sa članom 56. i 57. ovog Zakona. Učešće u tim aktivnostima vrši se putem angažiranja odgovarajućih snaga i sredstava civilne zaštite (jedinice i službe) kojima raspolaže uprava.“,

„(2) U izvršavanju zadatka iz stava (1) ovog člana dužne su da se angažiraju i kantonalne uprave civilne zaštite i općinske i gradske službe civilne zaštite koje će angažirati odgovarajuće snage i sredstva civilne zaštite kojima uprava, odnosno služba raspolaže (jedinice i službe)“,

„(3) Jedinice i službe civilne zaštite iz stavova (1) i (2) ovog člana poslove iz svoje nadležnosti obavljaju prema ovlaštenjima koja su utvrđena u propisima iz oblasti civilne zaštite“.

Dakle, ovim Zakonom za te aktivnosti nisu predviđena nikakva finansijska sredstva, što je zamjerka na isti, obzirom da su materijalno tehnička sredstva potrebna za eventualno čišćenje i uklanjanje, pogotovo skladištenje, veoma skupa i prevazilaze finansijske mogućnosti ovih struktura, a važno je napomenuti da strukture Civilne zaštite trenutno ne posjeduju materijalno tehnička sredstva i opremu za izvršavanje ovih poslova i zadataka, kao i odgovarajuće stručne kadrove.

Pa navodimo (npr. jedno specijalno vozilo sa potrebnom opremom za uklanjanje opasnih materija je veoma skupo i radi se o milionskim iznosima), pa smo mišljenja da bi bilo dobro ovim Zakonom definisati i dodatni izvor finansiranja za obavljanje ovih poslova i zadataka, kao i pomoć pri nabavci ovih vozila, opreme i drugih potrebnih materijalno tehničkih sredstava, kako bi se moglo adekvatno odgovoriti na naprijed navedene, postavljene poslove i zadatke.

Takođe važno je spomenuti da u strukturama Civilne zaštite, kako Federacije, Kantona, a pogotovo općinske/gradske Službe, nema obučenog kadra za rad sa ovim materijama, što dalje povlači finansijska sredstva za prijem novih uposlenika, stručno osposobljavanje, lična oprema, materijalno tehnička sredstva za rad sa opasnim materijama itd., *(koja je kako smo naprijed naveli veoma skupa,)* kao i sve što proizilazi iz radno-pravnog statusa za takve uposlenike.


Da zaključimo, ako se ne bi napravile izmjene i dopune u smislu obezbjeđivanja dodatnih finansijskih sredstava, prijema novih uposlenika, njihovog stručnog osposobljavanja i dr., teško da strukture Civilne zaštite Federacije, Kantona, općina i gradova mogu odgovoriti postavljenim poslovima i zadacima, kako je to navedeno u Nacrtu (federalnog) Zakona o prevozu opasnih materija.

Na ostale članove ovog Zakona nemamo primjedbi.

S poštovanjem.

Dostavljeno:

☒ Naslovu,
☐ a/a.



DIREKTOR

[Signature]
David Alčić, dipl.Ling.maš.